

清·方略館 編

清代 方略 全書

北京圖書館出版社



清代方略全書

七五

清·方略館編

北京圖書館出版社

清·慶桂等撰

欽定剿平三省邪匪方略

正編卷一八八——一九八

清嘉慶十五年（一八一〇）武英殿刻本

欽定剿平三省邪匪方略正編卷一百八

庚申年

七月初一日

辛巳

長麟奏言竊

臣

探聞伍金柱與

冉學勝張世龍三股賊匪合爲一股約有二萬

餘人直向東趨

臣

卽督兵疾馳前進十七日至

紅渠地方探知賊匪等屯聚傅家鎮相距

臣

營

僅十餘里當於是晚踣明路逕預備進兵至十

八日五鼓派總兵觀祥叅將阿爾瑚阿帶領步

隊一千七百餘名由山梁前進革職將軍富成
侍衛巴彥泰等帶領馬隊二百餘名由溝內前
進直抄賊營

臣

帶領兵勇三百餘名隨後接應

黎明至傅家鎮詎該匪詭譎異常探知官兵前
來早有數千人排列山梁其餘賊衆於山溝樹
林及高粱茂密之中處處埋伏

臣

見山梁上賊

匪甚多及見官兵並不接仗卽思逃遁疑其必

有奸計先令馬隊馳赴溝內搜撲伏賊俱起富
成等鎗箭齊施先斃賊匪數十人各賊匪不能
藏匿紛紛奔上山梁正思併力抗拒經步隊趕
上用鎗礮轟擊殲斃執旗賊目二人並擊斃賊
衆百餘人賊匪敗走卽順山梁向東奔逃我兵
馬隊一齊追殺又斃賊匪百餘人生擒四十一
人追殺三十餘里至偃牛山賊衆搶上山梁據

險抗拒我兵亦卽搶佔架子山兩道山梁東西
相對兩頭有路可通觀祥阿爾綳阿卽帶領步
兵由左首山坡進攻富成巴彥泰帶領馬隊由
右首山坡進攻賊匪撲壓數次官兵屹然不動
疊用鎗礮轟擊斃賊二百餘人持至午刻炎熱
如蒸官兵並無勺水可飲而鎗礮數施卽至炙
手臣趕緊僱夫數十名運水上山官兵始得稍

解渴煩未申之間我兵攻撲賊匪數次鎗礮如雨烟氣漫山又斃賊匪數十人無如擊斃一人之後賊匪輒增添數十人比至天黑賊匪愈衆我兵奮力攻撲人人用命賊匪盡伏於山頂之後持至更餘忽聞右首山梁齊聲吶喊賊匪以全力撲壓富成所帶官兵抵敵不住被賊衝斷昏黑中不辨路徑富成猶督率兵勇竭力支撐

詎以馬蹶滾山叅將台清阿趕往救護富成台
清阿俱受矛傷陣亡跟隨富成之佐領巴里善
王君佐亦因被壓受傷捐軀殞命觀祥阿爾綳
阿等急趨策應奮力衝殺短兵相接戳殺賊匪
數十人賊匪全數退回正在撤集兵勇間三鼓
後忽於月光中遙見賊匪數千人潛由山後繞
向西北直趨有欲偷刦營盤之勢臣當卽趕緊

馳回傳令各營施放鎗礮賊匪攻撲四次官兵鎗礮不絕擊斃賊匪數十人賊始紛紛四散繞山折回向東逃遁此次殺賊自十八日寅刻至十九日丑刻止先後斃賊二百餘人生擒四十一名內二十三名訊係正賊俱行正法餘係被裹難民均經給予盤費路照卽時釋回至官兵被壓山下之時滾山陣亡約有二百餘名容俟

查明確實報部惟都司金銳現無下落俟查明
再行核辦再額勒登保統領大兵已由徽縣之
樗樹壩追賊前進札克塔爾楊遇春格布舍定
住九十等帶兵已由黃牛舖入甘趕赴三岔山
進剿綸布春穆克登布桑吉斯塔爾等亦已先
後由唐藏太渠等處入甘分投追剿大兵雲集
臣現與額勒登保詳籌剿辦章程定議後迅卽

奏

聞奏入

上命軍機大臣傳諭額勒登保長麟曰前因長麟辦
賊遲緩將伊花翎革去今連次親督兵勇與伍金
柱冉學勝等股匪接仗頗爲奮勉若再能殺賊立
功不但賞還花翎必當優加恩賚至富成帶兵由
右首山坡進攻於黑夜中被賊衝斷不辨路徑以

集賢堂
致馬蹶受傷陣亡富成本係成都將軍上年帶兵
進剿張映祥一股惟事尾追尙係軍營通弊而於
兵丁搶奪強買者猶能分別懲治並非不加管束
是以彼時未將伊發遣枷號僅予革職仍留軍營
作爲披甲原冀其奮勉出力再加錄用卽此次富
成督率兵勇竭力殺賊若非於昏夜迷途致有挫
失則朕必量予官職乃竟落馬陣亡殊爲可惜富

成雖現係披甲但曾任將軍又因打仗捐軀著加
恩照副將陣亡例賜卹所有應得世職卽著查明
伊之子嗣承襲至叅將台清阿因趕往救護富成
亦受矛傷陣亡著加等照副將陣亡例賜卹其跟
隨富成之佐領巴里善王君佐因被壓受傷殞命
亦著咨部賜卹官兵被賊匪下壓滾山陣亡至二
百餘名之多均著長麟查明報部議卹觀祥阿爾

紉阿本在左首山坡進攻聞富成於右首山坡被賊撲壓急趨策應雖未能將富成救出但奮力衝殺賊匪全數退回亦屬可嘉著交部議敘以示獎勵至侍衛巴彥泰並未一同打仗且台清阿尙趕往救護巴彥泰近在一路何以轉未親往援救長麟摺內僅稱都司金銳不知下落而巴彥泰並未提起彼時該侍衛究在何處或因黑夜中見賊人

勢衆有意躲避著長麟查明據實叅奏此時伍金柱等股賊匪向東逃竄而長麟摺內稱額勒登保已由徽縣之樗樹壩追賊前進札克塔爾楊遇春已由黃牛舖入甘趕赴三岔進剿綸布春穆克登布等先後由唐藏等處入甘追剿殊欠明晰賊勢現向東趨額勒登保等由陝入甘自東向西正當迎頭截擊若如長麟所稱是轉在賊後追剿或長

麟於甘省路徑未能熟悉軍行向背之勢亦聲敘
不明額勒登保業經帶兵赴甘所有一切剿捕事
宜長麟當與會商辦理正當趁賊匪竄聚甘省之
時分飭各路認真堵剿不可使竄匪折回陝省亦
不可令闖入川境長麟係陝甘總督不但剿賊是
其分內之事卽一切兵馬糧餉亦須妥爲經理昨
令台布先將所發陝省餉銀五十萬兩撥解甘省